

## **Illuutileqatigiit Illuut'ip whistleblowereqarnermut politikkaa**

Ilaatigut killup tungaanut kingunerititassanik aarleqquteqaratik suliffeqarfimmi pissutsit isornartorsiugassat pillugit Illuut'ip maannakkut siusinnerusukkullu sulisuisa oqaaseqarsinnaanerannut periarfissanik annertusaanissaq Illuut'ip whistleblowereqarnermut (kinaassutsimik isertuussilluni nalunaaruteqartarnermut) aaqqiissutip siunertaraa (takuuk immikkoortorta *Whistleblowereqarnermut aaqqiissummut paasissutissanik nalunaaruteqarsinnaasutut inuit kikkueneri*). Taamaalilluni whistleblowerimik aaqqiissutip siunertaa tassaavoq (inatsisinik) unioqquitsinerusinnaasunik, aamma annertuumik naapertuuttoqannginnernut naleqqiullugit ammasumik tamanillu takunnissinnaanerit qulakkeernissaat.

Illuut'ip whistleblowereqarnermut aaqqiissutaa kukkunerit aamma pissutsit naammaginartuunngitsut il.il. pillugit suliffeqarfimmi toqqaannartumik aamma ulluni suliffiusuni attaveqatigiinnermut ilassutitut isigineqassaaq.

Illuut'ip whistleblowereqarnermut aaqqiissutaa assersuutigalugu nakkutilliisarnermik oqartussatut ittutigut aqutissat suliffiup avataaniittut aqutigalugit nalunaaruteqarnissamut periarfissamik matusinngilaq.

### **Illuut'ip whistleblowereqarnermut immikkoortua**

Illuut'ip whistleblowereqarnermut immikkoortuaniipput suliffiup avataani suleqatigisaq, inatsisilerisartutut suliffeqarfik Advokatfirmaet Malling & Hansen Damm (takuuk immikkoortoq *Nalunaaruteqarnermik suliaqarnerit*, tassani pineqarluni nalunaaruteqarnermik whistleblowereqarnermut immikkoortup qanoq suliaqartarnera.)

### **Nalunaarutigineqarsinnaasutut paasissutissat**

Illuut'ip whistleblowereqarnermut aaqqiissutaa annertuumik inatsisinik unioqquitsinerit pillugit, imaluunniit aalajangersimasutut inatsimmik unioqquitsinerimut innersuutigineqartariaqanngitsutut pissutsit ilungersunartut allat pillugit paasissutissanik nalunaaruteqarnermut atorneqarsinnaavoq. Illuut'ip iluani pissutsit pisimasut, imaluunniit pisussatut naatsorsuutigisaasut pillugit nalunaaruteqartoqarsinnaavoq.

Inatsimmik unioqquitsineq, imaluunniit pissutsini pisoqarfiusoq alla, tamatuma saqqummiunnissaa kikkunnut tamanut soqutiginaruussappat, aallaaviatigut annertuutut isigineqassaaq. Unioqquitsinerit suunngitsoorpasissut, imaluunniit pingaaruteqanngitsut ilaatinneqanngillat.

Pineqartoq kinguaassiuutitigut kanngutsaatsuliornerunngippat, imaluunniit annertuumik kanngutsaatsuliornerunngippat whistleblowerip nammineq atorfeqarnerani pissutsit pillugit nalunaarutit aallaaviatigut ilaatinneqanngillat.

Pissutsit allat pillugit paasissutissat, ilanngullugit annikinnerusumik ilungersuutigisatut ittutut suliffiup iluani malittarisassianik unioqquitsinerit pillugit paasissutissat, ilaatigut nappaateqarneq pissutigalugu suliertunnginnerit, atisaqartarnerit, aamma suliffimmi sulisunut attuumassutilittut aaqqiagiinnginnerit allat pillugit paasissutissat aallaaviatigut annertuumik unioqquitsinertut isigineqassanngillat, taamaalillutillu Illuut'ip whistleblowereqarnermut aaqqiissutaanut nalunaarutigineqassanatik.

Paasissutissat ilumoortuuneri pillugit whistleblowerip tatiginnittuunera tunngavigineqassaaq.

## **Unioqquitsinernik nalunaaruteqarnerit**

Illuut'ip whistleblowereqarnermut aaqqiissutaanut nalunaaruteqarneq nittartakkami uani pissaaq:

<https://karnov.whistleportal.eu/Account/Login?ReturnUrl=%2F>

Aaqqiissut iserfigissagaanni tullinnguuttoq allanneqassaaq:

E-mail: [whistleblower@mallings-hansendamm.gl](mailto:whistleblower@mallings-hansendamm.gl)

Kode: Wb1234567!

Suliffiup avataani akissarsiutigisalittut suleqatigisamiittoq iluarsissut taanna aqqutigalugu nalunaaruteqarnissaq aarlerinartortaqaanngilaq. Iluarsissummi kinaassuseq isertuullugu nalunaartoqarsinnaavoq, aammali attaveqarfiginissamut paasissutissanik ilaqartillugu nalunaaruteqarnissamut periarfissaqarluni. Nalunaaruteqarnerni ataasiakkaani tamani allakkanut nakkaatitsivik isumannaatsoq pilersinneqassaaq, tassanilu suliamik isumaginnittup aamma whistleblowerip akornanni kinaassutsimik isertuussilluinnarluni attaveqatigiittoqarsinnaavoq.

## **Whistleblowereqarnermut aaqqiissummut paasissutissanik nalunaaruteqarsinnaasutut inuit kikkuuneri**

Inuit makku Illuut'ip whistleblowereqarnermut aaqqiissutaanik atugaqarsinnaapput:

- kikkut tamarmik Illuut'imi atorfeqarsimasut imaluunniit atorfeqartuusut
- pisortaqaarfik
- siulersuisuni ilaasortat

## **Nalunaaruteqarnernik suliaqarnerit**

Illuut'ip whistleblowereqarnermut aaqqiissutaanut nalunaarutigisat tamarmik inatsisilerisartutut suliffeqarfirmitt Advokatfirmaet Malling & Hansen Damm'imit suliarineqartarput.

Nalunaarutip tiguneranut atatillugu Illuut'ip whistleblowereqarnermut aaqqiissutaata ullut arfineq-marluk iluanni tigusaqarneq uppersarsassavaa. Tamanna allakkanik nakkaatitsisarfitut aaqqiissummi isumannaatsumi nalunaaruteqartup attaveqarfigineratigut pissaaq, tassanilu paasissutissat agguataarnissaat isumannaatsuullunilu kinaassutsimik isertuussiffiuvoq. (Takuuk immikkoortoq *Unioqqutitsinernik nalunaaruteqarnerit*).

Illuut'ip whistleblowereqarnermut aaqqiissutaata tamatuma kingornatigut nalunaaruteqarneq pimoorullugu malittarissavaa. Tamatuma qanoq malittarineqarnissaanut nalunaarutaasup imarisaa suussusaalu aalajangiisuupput.

Nalunaarutigisap whistleblowereqarnermut aaqqiissummik atuinissamut suliassaqarfigisap iluaniinnera pillugu whistleblowereqarnermut immikkoortoq aallarniutitut isummissaaq. Nalunaarutigisap whistleblowereqarnermut aaqqiissummik atuinissamut suliassaqarfiusup avataaniissappat, imaluunniit qularutissaanngitsumik tunngavilersugaanngippat nalunaarutigisap itigartitsissutaassaaq. Tamanna pillugu whistlebloweri nalunaarfigineqassaaq.

Nalunaarutigisap whistleblowereqarnermut aaqqiissummik atuinissamut suliassaqarfigisap iluaniissappat nalunaarutigisap suliarineqassaaq. Illuut'ip whistleblowereqarnermut immikkoortoqarfiata, nalunaarutaasup imarisai ilusaalu apeqqutaallutik aaqqissuussiffimmi suliffiusup iluani paasissutissanik ilassutissanik pissarsiniarnissaa tamatuma ilaatigut nassatarissavaa. Pisoqarnera malillugu tamanna aamma whistleblowerimik suli annertunermik oqaloqateqarnissamik nassataqarsinnaavoq.

Malitseqartitsinermut assersuutit:

- Suliffiup iluani misissuineramik aallartisaaneq.
- Suliffeqarfimmi qullersatut pisortaqarfimmut imaluunniit siulersuisunut ilisimatitsinerit.
- Politiinut, imaluunniit attuumassutilittut nakkutilliisartutut oqartussaasoqarfimmut nalunaaruteqarneq.
- Uppersarsaatitut atortussanik amigaateqarnerit imaluunniit naammanngitsut pissutigalugit suliamik matusineq.

Nalunaaruteqarnermik tigusaqarnerup uppersarsarneranit qaammatit pingasut iluanni whistleblowereqarnermut immikkoortorta q whistleblowerimut qisuariaammik tunniussaqaassaaq. Whistleblowereqarnermut immikkoortorta, nalunaarutaasup imarisai suussusaalu apeqqutaallutik, tamatumunnga suliarisat sorliit aallartisagaaneri, imaluunniit aallartisagaanissaannik isumaliutigineqarneri pillugit whistleblowerimut ilisimatitsinissaanik tamanna isumaqarpoq.

Piffissap killiliussap iluani ilisimatitsissutit tunniunneqarsinnaanngippata Illuut'ip whistleblowereqarnermut immikkoortortaa tamanna pillugu, aamma suli annertunerusumik ilisimatitsinnaanissap naatsorsuutigineqarsinnaanera pillugu whistleblowerimut ilisimatitsissaaq.

Assersuutigalugu piffissap killiliussap iluani naammassineqarsinnaanngitsumik suliffiup iluani misissuineramik aallartisaasoqarsimaneranik tamanna patsiseqarsinnaavoq.

Ilisimatitsissutip inatsisaasut atuuttut malittarissavai. Whistleblowerimut malitseqartitsinerami paasissutissat sorliit tunniunneqarsinnaanerat piviusumik nalilersuineramik tunngaveqassaaq.

## **Oqaqqusaannginnermut pisussaaffik, paasissutissanillu suliaqarneq**

Sulisut nalunaarutip misissugarineranut atatillugu immikkuualuttortanik ilisimasaqassasut oqaqqusaannginnissamut pisussaaffeqarput.

Oqaqqusaannginnermiipput paasissutissat nalunaarummi ilaasuinnaat. Suliap ingerlanneqarnissaanut nalunaarut tunngavissiissappat paasissutissat sinneri tamakku, tassunga atasutut katersugaasut, oqaqqusaannginnermut pisussaaffigisami ilaasussaassanngillat.

Sapinngisamik siamasinnerpaamik nalunaarutit isertuussamik Illuut'ip whistleblowereqarnermut immikkoortuata suliarisarpai. Pissutsit qanoq ittueneri malillugit nalunaarummit paasissutissat ingerlateqqinneqarsinnaapput, assersuutigalugu nalunaarutit malittarinissaannik siunertaqarpata. Attuumassutilittut misissuineramik imaluunniit eqqartuussivitsigut suliarisamik aarlerinartortitsissanngippat whistleblowerip kinaassusia pillugu paasissutissat ingerlateqqinneri sioqqullugit whistlebloweri ilisimatinneqassaaq. Assersuutigalugu tamanna pisinnaassaaq nalunaarut taamatut ittoq uppernarsaassutit toqqorneqarlutilluunniit aserorneqarnissaannut, ilisimannittut sunniivigineqarnissaannut, imaluunniit whistleblowerip eqqunngitsumik nalunaarummik tunniussaqaarsimanissaa pillugu pasillertoqarnissaanut aarlerinartortamik nassataqarsinnaaneranik piviusumik nalilersuutigineqassappat.

## **Whistleblowerinik illersuinerit**

Whistlebloweri pillarneqaaqusaanngilaq, ilanngullugu pineqartoq Illuut'ip whistleblowereqarnermut immikkoortuanut nalunaaruteqarsimanagera pissutigalugu pillarneqarnissaanik aarleqquteqarnernut, imaluunniit pillaaniarsarinernut tunngatillugu. Aammattaaq whistlebloweri nalunaaruteqarnissamut akornusersorneqaaqusaanngilaq, imaluunniit akornuserniaqqausaanngilaq.

Pillaatit suliffiup iluani, imaluunniit avataani nalunaaruteqarnermut qisuariaatitut ittumik qanorluunniit ittutut iluarinangitsumik suliarinninnertut, imaluunniit iluarinangitsumik malitseqartitsinertut paasineqassapput.

Whistleblowerip nalunaaruteqarnissaanut Illuut'mi sulisut imaluunniit siulersuisut akornusersuineramik misileraanerat, imaluunniit tatiginnilluni nalunaaruteqartumut whistleblowerimut pillaateqarniarnerat atorfeqarnermut tunngasutut inatsisitsigut kingunerititanik nassataqassaaq.